

萬有文庫

第一集一千種

王雲五主編

唐詩別裁

(二)

沈德潛選註

商務印書館發行

唐詩別裁

(二)

沈德潛選註

萬有文庫

第一集一千種

總編纂者

王雲五

商務印書館發行

# 唐詩別裁

## 卷四

### 五言古詩

韓

愈

字退之昌黎人三歲而孤兄會嫂鄭鞠之長擢進士第歷官監察御史上疏極論宮市德

侍郎憲宗迎佛骨入禁內上表力諫帝怒將抵以死大臣皆爲愈言乃貶潮州刺史尋改袁州

召拜國子祭酒轉兵部侍郎王廷湊亂召愈宣諭極論順逆利害廷湊畏服之歸吏部侍郎

卒年五十七贈禮部尚書諡曰文○善使才者當留其不盡昌黎詩不免好盡要之意歸於正

規模宏潤骨格整頓原本雅頌而不規規於風人也品爲大家誰曰不宜○昌黎四言唐人

無與儔者平淮西碑尤爲立極因碑以文爲主

系之以詩恐體例不合故祇錄元和聖德詩

元和聖德詩

并序○唐人四言絕少佳者不能另立一體故附五言體中

臣愈頓首再拜言臣伏見皇帝陛下卽位以來誅流姦臣朝廷清明無有欺蔽外斬楊惠琳劉闢以收夏  
蜀東定青徐積年之叛海內怖駭不敢違越郊天告廟神靈歡喜風雨晦明無不從順太平之期適當今  
日臣蒙被恩澤日與羣臣序立紫宸殿下親望穆穆之光而其職業又在以經籍教導國子誠宜率先作  
歌詩以稱道盛德不可以詞語淺薄不足以自效爲解輒依古作四言元和聖德詩一篇凡千有二十四  
字指事實錄具載明天子文武神聖以警動百姓耳目傳示無極其詩曰

皇帝卽阡物無違拒曰暘而暘曰雨而雨維是元年有盜在夏

場惠琳據城叛詔發兵討之

欲覆其州以踵近武皇帝

曰嘻豈不在我負鄙爲姦縱則不可出師征之其衆十旅軍其城下告以福禍腹敗枝披不敢保聚擲首

陣外

夏州兵馬使張承全斬惠琳傳首以獻入本事

降幡夜豎疆外之險莫過蜀土韋臯去鎮劉闢守後血人于牙不肯吐口開

庫啗士

誘啗士卒之詞

曰隨所取汝張汝弓汝伐汝鼓汝爲表書求我帥汝事始上聞在列咸怒皇帝曰然嗟遠

士女苟附而安則且付與

憲宗欲以恩撫之命爲劍南四川節度使

讀命於庭出節少府朝發京師夕至其部闢喜謂黨汝振

而伍蜀可全有此不當受萬牛纓餼萬甕行酒以錦纏股以紅帕首有恆其兇有餌其誘其出穰穰隊以

萬數遂刼東川遂據城阻皇帝曰嗟其又可許爰命崇文

此豈可許命高崇文使討

分卒禁籞有安其驅無暴我野日

行三十徐壁其右闢黨聚謀鹿頭是守崇文奉詔進退規矩戰不貪殺擒不濫數四方節度整兵頓馬上

章乞討俟命起坐皇帝曰嘻無汝煩苦荆并洎梁在國門戶出師三千各選爾醜四軍齊作殷其如阜

謂不

必四方之兵惟荆南節度使裴均河東節度使嚴綬山南節度使嚴礪足以誅之也或拔其角或脫其距長驅洋洋無有齟齬八月壬午闢棄城走

載妻與妾包裹稚乳是日崇文入處其宇分散逐捕搜原剔藪闢窮見窘無他自處俯視大江不見洲渚

遂自顛倒若杵投曰取之江中枷脰械手婦女纍纍啼哭拜叩來獻闕下以告廟社周示城市咸使觀覩

解脫攀索夾以砧斧婉婉弱子赤立傴僂牽頭曳足先斷腰膂次及其徒

一段危言其詞借以悚惕藩鎮也

體骸撐拄未

乃取闢駭汗如瀉揮刀紛紜爭刳膾脯優賞將吏枿珪綴組帛堆其家粟塞其庾哀憐陣沒廩給孤寡贈

官封墓。周匝宏溥。經戰伐地。寬免租簿。施令酬功。急疾如火。天地中間。莫不順序。幽恆青魏。東盡海浦。南至徐蔡。區外雜虜。但威赧德。此言一時藩鎮無不畏威懷德。踧踖蹈舞。掉棄兵革。私習簞簠。來請來覲。十百其耦。皇帝曰。吁。伯父叔舅。各安爾位。訓厥眈眈。正月元日。初見宗祖。一段祭告天地祖宗。躬執百禮。登降拜俯。薦于新宮。祠宗之言。瞻梁杞。咸見容色。淚落入俎。侍祠之臣。助我惻楚。乃以上辛。於郊用牡。除於國南。鱗筭毛簣。廬幕周施。開揭磊砢。獸盾騰擎。圓壇帖妥。天兵四羅。旂常婀娜。駕龍十二。魚魚雅雅。宵昇于邱。邱。圓。奠璧獻罍。衆樂驚作。轟厖融冶。紫焰噓呵。高靈下墮。羣星從坐。錯落侈侈。日君月妃。煥赫嫋嫋。瀆鬼濛鴻。嶽祗褻義。飮沃羶薌。產祥降嘏。鳳皇應奏。舒翼自拊。赤鱗黃龍。透陀結糾。卿士庶人。黃童白叟。踴躍歡呀。失喜噎歐。乾清坤夷。境落褻舉。帝車迴來。日正當午。幸丹鳳門。大赦天下。一段大赦施惠。滌濯剗礪。磨滅瑕垢。續功臣嗣。拔賢任耆。孩養無告。仁滂施厚。皇帝神聖。以下頌德。通達今古。聽聰視明。一似堯禹。生知法式。動得理所。天錫皇帝。爲天下主。并包蓄養。無異細鉅。億載萬年。敢有違者。皇帝儉勤。盥濯陶瓦。斥遣浮華。好此綈紵。敕戒四方。侈則有咎。天錫皇帝。多麥與黍。無召水旱。耗于雀鼠。億載萬年。有富無窶。皇帝正直。別曰善否。擅命而狂。旣翦旣去。盡逐羣姦。靡有遺侶。天錫皇帝。龐臣碩輔。博問遐觀。以置左右。億載萬年。無敢予侮。皇帝大孝。慈祥悌友。怡怡愉愉。奉太皇后。浹于族親。濡及九有。天錫皇帝。與天齊壽。登茲太平。無怠永久。頌繼規。億載萬年。爲父爲母。博士臣愈。職是訓詁。作爲歌詩。以配吉甫。典重峭奧。體則二雅三頌。辭則古賦秦碑。盛唐中。昌黎獨擅。

秋懷詩二首

離離挂空悲，感感抱虛警。露泫秋樹高，蟲弔寒夜永。歛退就新懦，趨營悼前猛。歸愚識夷塗，汲古得修綆。

名浮猶有恥，味薄真自幸。庶幾遺悔尤，卽此是幽屏。此卽今是昨非之意，連下章頗近謝公。

今晨不成起，端坐盡日景。蟲鳴室幽幽，月吐窗回回。喪懷若迷方，念浮劇含梗。塵埃慵伺候，文字浪馳騁。

尙須勉其頑，王事有朝請。前漢書吳王濞使人爲朝請，春秋曰請。

齷齪

齷齪當世士，所憂在飢寒。但見賤者悲，不聞貴者歎。大賢事業異，遠抱非俗觀。報國心皎潔，念時涕洟瀾。妖姬坐左右，柔指發哀彈。酒肴雖日陳，感激寧爲歡。秋陰欺白日，泥潦不少乾。河堤決東郡，老弱隨驚湍。天意固有屬，誰能詰其端。願辱太守薦，得充諫諍官。排雲叫闔闔，披腹呈琅玕。致君豈無術，自進誠獨難。時張建封居公於符離沮上，及秋將辭去，建封奏爲節度推官，此猶未薦時詩，故有望于太守之薦也。

縣齋讀書

出宰山水縣，讀書松桂林。蕭條捐末事，邂逅得初心。哀狓醒俗耳，清泉潔塵襟。詩成有共賦，酒熟無孤斟。青竹時默釣，白雲日幽尋。南方本多毒，北客恆懼侵。謫譴甘自守，滯留媿難任。投書類綈帶，佇答逾兼金。

應是令陽山時作，末二句似答贈詩之客。

送石處士赴河陽幕

處士呂洪

長把種樹書人云避世事。忽騎將軍馬。自號報恩子。風雲入壯懷。泉石別幽耳。鉅鹿師欲老。

時寇聚於恆

常山

險猶恃。

王承宗同

豈惟彼相憂。固是吾徒恥。去去事方急。酒行可以起。

即序中所云不告于妻子不謀于朋友也中帶諷意合看寄虛同詩愈見

送河南李正字歸

正字名礎

長沙入楚深。洞庭值秋晚。人隨鴻鴈少。江共蒹葭遠。歷歷余所經。悠悠子當返。孤遊懷耿介。旅宿夢婉婉。風土稍殊音。魚蝦日異飯。親交俱在此。誰與同息偃。

瀧吏

南行逾六旬。始下樂昌瀧。險惡不可狀。船石相舂撞。往問瀧頭吏。潮州尙幾里。行當何時至。土風復何似。瀧吏垂手笑。官何問之愚。譬官居京邑。何由知東吳。東吳游宦鄉。官知自有由。潮州底處所。有罪乃竄流。儂幸無負犯。何由到而知。官今行自到。那邊妄問爲。不虞卒見困。汗出媿且駭。吏曰聊戲官。儂嘗使往罷。嶺南大抵同。官去道苦遼。下此三千里。有州始名潮。惡溪瘴毒聚。雷電常洶洶。鱷魚大于船。牙眼怖殺儂。州南數十里。有海無天地。颶風有時作。掀簸眞差同。事聖人子天下。于物無不容。比聞此州囚。亦有生還儂。官無嫌此州。固罪人所徙。官當明時來。事不待說委。官不自謹慎。宜即引分往。胡爲此水邊。神色久懔懔。羸羸大瓶罌。小所任自有宜。官胡不自量。滿溢以取斯。工農雖小人。事業各有守。不知官在朝。有益國家



不得無虱其間。

商君二十六篇以仁義禮樂爲虱官曰六虱成俗兵必大敗

不武亦不文。仁義飾其躬。巧姦敗羣倫。叩頭謝吏言。始慚

今更羞。歷官二十餘。國恩並未酬。凡吏之所訶。嗟實頗有之。不卽金木誅。敢不識恩私。潮州雖云遠。雖惡

不可過。于身實已多。敢不持自賀。借吏言以規諷。自嘲亦自寬解也。從古樂府得來。韓詩中之別調。

岳陽樓別竇司直

原注竇庠時以武昌幕攝岳州

洞庭九州間。厥大誰與讓。南匯羣崖水。北注河奔放。潞爲七百里。吞吐各殊狀。自古澄不清。環混無歸向。

炎風日搜攪。幽惟多冗長。軒然大波起。宇宙隘而妨。巍峨拔嵩華。騰蹕較健壯。聲音一何宏。轟輶車萬兩。

猶疑帝軒轅。張樂就空曠。蛟螭露笏簾。縞練吹組帳。鬼神非人世。節奏頗跌踢。陽施見跨麗。二句分上陰下景狀

閉感悽愴。朝過宜春口。極北缺堤障。夜纜巴陵州。叢芮芮水也纔可傍。星河盡涵泳。俯仰迷下上。餘纜怒不

已。喧聒鳴甕盎。明登岳陽樓。輝煥朝日亮。飛廉戢其威。清晏息纖纒。泓澄湛凝綠。物影巧相況。江豚時出

戲。驚波忽蕩漾。時當冬之孟。隙竅縮寒漲。前臨指近岸。側坐渺難望。滌濯神魂醒。幽懷舒以暢。主人孩童

舊。握手乍忻悵。憐我竄逐歸。相見得無恙。開筵交履舄。爛漫倒家釀。杯行無留停。高柱送清唱。中盤進橙

栗。投擲傾脯醬。歡窮悲心生。婉孌不能忘。念昔始讀書。志欲干霸王。本莊屠龍子。破千金。爲藝亦云亢。愛才

不擇行。觸事得纒謗。前年出官由。此禍最无妄。公卿採虛名。躍拜識天仗。姦猜畏彈射。斥逐恣欺誑。新恩

移府庭。逼側廁諸將。吁嗟苦驚緩。但懼失宜當。追思南渡時。魚腹甘所葬。嚴程迫風帆。劈箭入高浪。顛況

在須臾。忠鯁誰復諒。生還真可喜。克己自懲創。庶從今日後。羣識得與喪。事多改前好。趣有獲新尚。誓耕十畝田。不取萬乘相。細君知蠶織。稚子已能餉。行當挂其冠。生死君一訪。前兩段陽開陰闔入寶司直後見忠直被謗而以追思南渡數

語挽轉前半筆力矯然

### 薦士

周詩三百篇。雅麗理訓誥。曾經聖人手。議論安敢到。五言出漢時。蘇李首更號。東都漸瀾漫。派別百川導。建安能者七。卓犖變風操。逶迤抵晉宋。氣象日凋耗。中間數鮑謝。失卻陶公性所不近也比近最清奧。齊梁及陳隋。衆作等蟬噪。搜春摘花卉。沿襲傷剽盜。國朝盛文章。卓見子昂始。高蹈勃興得。李杜萬類困。陵暴後來繼。生亦各臻閫。奧有窮者孟郊。受材實雄驚。冥觀洞古今。象外逐幽好。橫空盤硬語。妥帖力排冪。二語昌黎自狀其詩敷柔肆紆餘。奮猛卷海潦。榮華肖天秀。捷疾逾響報。行身踐規矩。甘辱恥媚竈。孟軻分邪正。眸子看眊眊。杳然粹而清。可以鎮浮躁。酸寒溧陽尉。五十幾何毫。言去毫幾何孜孜營甘旨。辛苦久所冒。俗流知者誰。指汪競嘲傲。聖皇索遺逸。耄士日登造。廟堂有賢相。謂鄭餘慶愛遇均覆燾。况承歸與張。歸登張建封二公迭嗟悼。青冥送吹噓。強箭射魯縞。胡爲久無成。知而不舉也使以歸期告。霜風破佳菊。嘉節迫吹帽。念將決焉去。感物增戀嫪。彼微水中荇。以下皆用比例尚煩左右芼。魯侯國至小。廟鼎猶納郃。幸當擇珉玉。寧有棄珪瑀。悠悠我之思。擾擾風中蠹。上言愧無路。日夜惟心禱。鶴翎不天生。變化在啄菹。通波非難圖。尺地易可漕。水漕曰漕善善不汲

汲後時徒悔懊。救死具八珍。不如一簞犒。微詩公勿誚。愷悌神所勞。此篇孟東野于鄭餘慶也。盛稱東野之詩。謂可上承李杜。東野不足以當。

而公愛才之心。幾比于吐哺握髮矣。

鴛驥

鴛駘誠齷齪。市者何其稠。力小可易制。價微良易酬。渴飲一斗水。飢食一束芻。嘶鳴當大路。志氣若有餘。騏驎生絕域。自矜無匹儔。牽驅入市門。行者不爲留。借問價幾何。黃金比嵩丘。借問行幾何。咫尺視九州。飢食玉山禾。渴飲醴泉流。問誰能爲御。曠世不可求。惟昔穆天子。乘之極遐遊。王良執其轡。造父挾其輶。因言天外事。即借穆天子見西王母事。荒惚使人愁。鴛駘謂騏驎。餓死余爾羞。有能必見用。有德必見收。猶淳于髡譏孟子意。孰云時與命。通塞皆自由。騏驎不敢言。低徊但垂頭。人皆劣騏驎。其以鴛駘優。嗚余獨興嘆。才命不同謀。寄詩同心子。爲我商聲謳。唐本有贈歐陽詹字詹集有答韓十八鴛駘吟。知此詩爲歐陽作也。小才得志。傲睨高賢。古今一人。豈獨歐陽詹耶。

調張籍

李杜文章在。光焰萬丈長。不知羣兒愚。那用故謗傷。蚍蜉撼大樹。可笑不自量。伊我生其後。舉頸遙相望。夜夢多見之。晝思反微茫。徒觀斧鑿痕。言未見其源。不闢治水航。想當施手時。巨刃磨天揚。垠崖劃崩豁。乾坤擺雷礧。惟此兩夫子。家居率荒涼。帝欲長吟哦。故遣起且僵。翦翎送籠中。使看百鳥翔。平生千萬篇。金薤垂琳琅。仙官勅六丁。雷電下取將。流落人間者。太山一毫芒。我願生兩翅。捕逐出八荒。精誠忽交通。百怪

入我腸

東坡所云出逐李杜者于此見之

刺手拔鯨牙。舉瓢酌天漿。騰身跨汗漫。不著織女襄。顧語地上爰。經營無太忙。

乞君飛霞珮。與我高頡頏。

言生平欲學者惟在李杜故夢寐見之更冀生羽翼以追逐之見籍有志于古

亦當以此爲正宗。無用歧趨也。元微之尊杜而抑李。昌黎則李杜並尊。各有見

地至謂羣兒愚指微之魏道輔之言未可援引

柳宗元

字子厚。河東人。貞元初中。博學宏詞。科官監察御史。襄行。順宗即位。王叔文。韋執誼。引入計事。擢禮部員外郎。叔文敗。貶永州司馬。放浪山水間。以詩文自娛。元和。授柳州刺史。

時劉禹錫得播州。宗元謂播州非人所居。而夢得親在堂。無母子俱往理。如不往。便爲母子永訣。願請於朝。以柳易播。會大臣爲禹錫奏。改刺連州。宗元在柳州。有善政。年四十七卒。於官。柳人以神事之。○柳州詩。長於哀怨。得騷之餘意。東坡謂在章蘇州上。而王阮亭謂不及蘇州。各自成家。兩存其說可也。

初秋夜坐贈吳武陵

稍稍雨侵竹。

翻翻鵲驚叢。美人隔湘浦。

風神

一夕生秋風。積霧杳難極。滄波浩無窮。相思豈云遠。卽席莫與

同。若人抱奇音。

朱絲絃枯桐。清商激西顙。泛濫凌長空。

千古文章神境

自得本無作。天成諒非功。希聲闕大樸。豐

俗何由聰。

下半借琴以喻文才。董庭蘭一輩人未能知也。

晨詣超師院讀禪經

汲井漱寒齒。清心拂塵服。閒持貝葉書。步出東齋讀。真源了無取。妄跡世所逐。遺言冀可冥。繕性何由熟。

逆人庭宇靜。苔色連深竹。日出霧露餘。青松如膏沐。澹然離言說。悟悅心自足。

贈江華長老

老僧道機熟。默語心皆寂。去歲別春陵。沿流此投跡。室空無侍者。巾屨唯挂壁。一飯不願餘。跣趺便終夕。風窗疎竹響。露井寒松滴。偶地即安居。滿庭芳草積。

南磧中題

卽柳記中石灣

秋氣集南磧。獨遊亭午時。迴風一蕭瑟。林影久參差。始至若有得。稍深遂忘疲。爲學仕宦。觀羈禽響幽谷。寒藻舞淪漪。去國魂已遠。懷人淚空垂。孤生易爲感。失路少所宜。索寞竟何事。徘徊祗自知。誰爲後來者。當與此心期。  
語語是獨遊。東坡謂柳儀曹南磧詩。憂中有樂。妙絕古今。得其旨矣。

與崔策登西山

鶴鳴楚山靜。露白秋江曉。連袂渡危橋。縈迴出林杪。西岑極遠目。毫末皆可了。重疊九疑高。微茫洞庭小。迴窮兩儀際。高出萬象表。馳景泛頽波。遙風遞寒篠。謫居安所習。稍厭從紛擾。生同胥靡遺。壽等彭鏗夭。蹇連困顛踣。愚蒙怯幽眇。非令親愛疎。誰使心神悄。偶茲遁山水。得以觀魚鳥。吾子幸淹留。緩我愁腸繞。

莊子胥靡登而不遺。言被罪之人。輕生身也。次語卽齊物論意。

旦攜謝山人至愚池

新沐換輕幘。曉池風露清。自諧塵外意。况與幽人行。霞散衆山迴。天高數鴈鳴。機心付當路。聊適羲皇情。

獨覺

覺來牕牖空。寥落雨聲曉。良遊怨遲暮。末事驚紛擾。問爲經世心。古人誰盡了。

### 溪居

久爲簪組束。幸此南夷謫。閒依農圃鄰。偶似山林客。曉耕翻露草。夜傍響溪石。來往不逢人。長歌楚天碧。

愚溪諸詠處連蹇困厄之境發清夷淡泊之音不怨而怨怨而不怨行間言外時或遇之

### 夏初雨後尋愚溪

悠悠雨初霽。獨繞清溪曲。引杖試荒泉。解帶圍新竹。沉吟亦何事。寂寞固所欲。幸此息營營。嘯歌靜炎燠。

### 首春逢耕者

南楚春候早。餘寒已滋榮。土膏釋原野。百蟄競所營。綴景未及郊。穉人先耦耕。園林幽鳥囀。渚澤新泉清。農事誠素務。羈囚阻平生。故池想蕪沒。遺畝當榛荆。慕隱既有繫。圖功遂無成。聊從田父言。款曲陳此情。眷然撫耒耜。回首煙雲橫。

因逢耕者而念及田園之蕪羈人心事不勝黯然

### 秋曉行南郭經荒村

杪秋霜露重。晨起行幽谷。黃葉覆溪橋。荒村惟古木。寒花久寂歷。幽泉微斷續。機心久已忘。何事驚麋鹿。

### 雨後曉行獨至愚溪北池

宿雲散洲渚。曉日明村塢。高樹臨春池。風驚夜來雨。予心適無事。偶此成賓主。

中夜起望西園值月上

覺來繁露墜。開戶臨西園。寒月上東嶺。泠泠疎竹根。石泉遠邇響。山鳥時一喧。倚檻遂至日。寂寞將何言。

湘岸移木芙蓉植龍興精舍

有美不自蔽。安能守孤根。

遷謫後有得言

盈盈湘西岸。秋至風露繁。麗影別寒水。穠芳委前軒。芰荷諒難雜。反此

生高原。

禪堂

發地結菁茆。團團抱虛白。山花落幽戶。中有忘機客。涉有本非取。照空不待析。萬籟俱緣生。窅然喧中寂。心境本同如。鳥飛無遺跡。

苦竹橋

危橋屬幽徑。繚繞穿疎林。迸籜分苦節。輕筠抱虛心。俯瞰涓涓流。仰聆蕭蕭吟。差池下煙日。嘲啗鳴山禽。諒無要津用。棲息有餘陰。

田家三首

摩食狗所務。驅牛向東阡。鷄鳴村巷白。夜色歸墓田。軋軋耒耜聲。飛飛來烏鳶。竭茲筋力事。持用窮歲年。盡輸助徭役。聊就空自眠。子孫日已長。世世還復然。

聲落隔煙火。農談四鄰夕。庭際秋蟲鳴。疎麻方寂歷。蠶絲盡輸稅。機杼空倚壁。里胥夜經過。雞黍事筵席。各言官長峻。文字多督責。東鄰後租期。車車陷泥澤。公門少推恕。鞭朴恣狼籍。里胥恐嚇田家之責。如聞其聲。努力慎經營。肌膚真可惜。迎新在此歲。唯恐踵前跡。

古道饒蕪藜。縈迴古城曲。蓼花被隄岸。陂木寒更淥。是時收穫竟。落日多樵牧。風入榆柳疎。霜重梨棗熟。行人迷去住。野鳥競棲宿。田翁笑相念。昏黑慎原陸。今年幸小豐。無厭饅與粥。

### 掩役夫張進骸

生死悠悠爾。一氣聚散之。偶來紛喜怒。奄忽已復辭。爲役孰賤辱。爲貴非神奇。一朝續息定。枯朽無妍媸。生時勤皂櫪。剝秣不告疲。旣死給櫬槨。葬之東山基。奈何值崩湍。蕩析臨路垂。饒然暴百骸。散亂不復支。從者幸告予。隴之漻然悲。猫虎獲迎祭。犬馬有蓋帷。佇立唁爾魂。豈復識此爲。畚鍤載埋瘞。溝瀆護其危。我心得所安。仁人之言。不謂爾有知。掩骼著春令。茲焉適其時。及物非吾輩。聊且顧爾私。貴賤賢愚。古今同盡。此達人之言也。我心得所安二語。見求安側隱。非以示恩。此仁人之言也。

### 韋道安

道安本儒士。頗擅弓劍名。二十遊太行。暮間號哭聲。疾驅前致問。有叟垂華纓。言我故刺史。失職還西京。偶爲羣盜得。毫縷無餘贏。貨財足非愔。二女皆娉婷。蒼黃見驅逐。誰識死與生。便當此殞命。休復事晨征。



一聞激高義。皆裂肝膽橫。挂弓問所往。趨捷超崢嶸。見盜寒礪陰。羅列方忿爭。一矢斃酋帥。餘黨號且驚。麾令遞束縛。纆索相拄撐。彼姝久褫魄。兩下俟誅刑。卻立不親授。諭以從父行。摺收自擔肩。轉道趨前程。夜發敲石火。山林如晝明。父子更抱持。涕血紛交零。頓首願歸貨。納女稱舅甥。道安奮衣去。義重利固輕。師婚古所病。合姓非用兵。竭來事儒術。十載所能逞。慷慨張徐州。朱邸揚前旌。投驅獲所願。前馬出王城。轅門立奇士。淮水秋風生。君侯既卽世。麾下相歆傾。立孤抗王命。鐘鼓四野鳴。橫潰非所壅。逆節非所嬰。舉頭自引刃。顧義誰顧形。烈士不忘死。所死在忠貞。咄嗟狗權子。翕習猶趨榮。我歌非悼死。所悼時世情。  
斃羣盜爲勇士。辭師婚爲義士。後傾義引刃。又爲忠貞之士矣。非柳州表揚之道。安幾于湮沒。

孟

郊字東野。武康人。年五十始成進士。爲溧陽尉。韓昌黎極重之。薦于鄭餘慶。奏爲參謀。未幾卒。○東坡目爲郊寒。島瘦。島瘦固然。郊之寒。過求高深。鄰于刻削。其實從真性情流出。未可與島並論也。而元遺山云。東野窮愁死不休。高天厚地一詩囚。毋乃太過乎。

列女操

梧桐相待老。鴛鴦會雙死。貞婦貴狗夫。捨生亦如此。波瀾誓不起。妾心古井水。  
寫貞心下語。聯絕。

遊子吟

慈母手中線。遊子身上衣。臨行密密縫。意恐遲遲歸。誰言寸草心。報得三春暉。  
卽欲報之德。昊天罔極意。與昌黎之臣罪當誅。天王

聖明同  
有千古